

E hā e kitea ana ki runga ki enei mahi te ngakau kore o te tangata. Ki runga ki tenei mahi. Kahore he kupu, i tuhi atu ai, kia koe.

Ma to Ariki koe e whaka kaha, ki te mahi i tana e pai ai ara tatou tahi.

Na to hōa.

(Rev.) T. PAERATA.

Canterbury College, Christchurch,
Aukhata, 22nd, 1898.

KI TE ETITA.

E hōa tena koe.—Tenei kua tāea mai toku marae iti te rere mai e to manu; a he nui te mihi ake o toku ngakau i toku rongo-nga ai i tana tangi whakamarama. E hōa, kua kitea e koe te rongoa mo tetahi o nga mate o te Hahi Maori, ara te kore reo hei whakaatu i toua kahanga, ngokoretanga ranei. He pepa ano a tatou a te iwi Maori, otira e wehi ana aua pepa ki te kaha rawa to ratou whakawhirinaki ki nga mahi whakaponō. Kia kaha to reo te whakaoho i nga ngakau o te iwi Maori, e pehia nei, e romia nei e nga whakaaro me nga mahi o te ao. Ka tukua atu e au taku kakano iti nei hei whangai i ta tatou mokai kia wawe ai tona pakari. Mehemea ehiahiatia ana he ingoa hou mo ta tatou pepa te ingoa pai ki ahau ko "Te Whetu o te Ata," otira ma nga kaumatua e whiriwhiri he ingoa pai mo ta tatou taonga, Heoi, ma te Kai-hanga koe e whakakaha.

REWITI T. KOREHE.

Kaikōhe, Auckland,

August 15, 1898.

Ki te Etita o te Kupu Whakamarama.

TENA KOE,—E kōa ana te ngakau mo te Kupu Whakamarama, Natemea, katahi ano ka kitea he whakoro, hei putanga mo nga mahara o nga miniti Maori, mo nga ahua-tanga o nga mahi a nga hōa mahi tahi, i te maara kotahi a te Atua, e noho ana ia wahi ia wahi, ora ana te ngakau, ina kite i nga korero a nga hōa mahi, Hei whakabari ma te hunga ngakau huri, Hei whakahāwea ma te hunga whakahāwea, Pera, me ta Ihaia i korero ai, Ka titiro atu tatou ki te karakia, te ai he huhuatanga e minamina atu ai tatou (Ihaia 53, 2) Otira, na te hunga whakaaro kore taua kupu, he kore e titiro, he kore e whakaaro, tena kōa, mo te aha nga korero a te poropiti? Ihaia xi., 6-9.

Mo nga mea ranei i roto i nga Rarangi nei te tino tikanga o ana korero? Kao, huaatu, mo te tangata. Engari, kahore au i te kii penei, Ko enei Kupu a te poropiti, mo Niu Tirenī anake, Engari, mo te ao katos,

otira, ahakoa he iti rawa a tatou moutere, ka pangia e nga tikanga o nga kupu a te poropiti. E rua nga wahi o nga kupu a Ihaia, (1) Te wa maka; (2) Te wa rarata. E whakaritea ana te wa maka ki te wa i noho wehewehe nei o tatou tupuna i mua atu o te Rongopai. He aha a ratou mahi? Mawai kōa e korero, me penei kau atu, He tangi, he uhunga, he aue, otira ahakoa i roto i te wa noho wehewehe, ka whakapuaki te poropiti i te wa mo te Rongomau, tera ka noho tahite wuruhi raua ko te reme, &c. Nareira, ka mohiotia, mo tatou ke ana kupu, ina hoki, ko nga mea e korero nei a Ihaia, Kahore ano ratou i noho tahi noa. Engari tatou, kua noho tahi, kua kore te wehi o nga raiona: (ara) o nga hōa riri; (2) Kua marama tatou i naianei, ko te wa rarata ko te tena o te Rongomau, ko taua wa kōia tenei e whitingia nei tatou e te maramatanga, Rar. 9, 2 Korinithi iv. 6. Tena tirohia te ahua o mua, me to naianei, Ko te ahua i o tatou matua, me te mea nei i whanau mai ratou i te makariritanga o te tau.

Ko ratou, i ngaua e te huka i te po. Ko o tatou matua i whanau mai i te taha rau-mati, he iti te ngaunga a te huka. Nareira, te taunga mai o te Rongopai kia ratou me te mea nei he putanga no ratou ki te mahanatanga o te ra, ka mihi, ina te mahana, nareira tere tonu ta ratou tango i tenei taonga ma ratou. Ko taua ko nga tangata o tenei wa, me te mea nei i whanau i te Raumati o te Tau, Kahore i pangia e te makariri, he mahana tonu, nareira ka ngakau kore, ka whakahāwea ka whakaponō-kore. Ka aruaru i nga karakia hou, Penei me te hānga a etahi i rere nei ki te korero tara a Horomona Paurini. Tena, Pataia, mai, nawai te Rongomau? Na te Rongopai o Ihu Karaiti, i tae tuatahi mai nei kia tatou, na tau i mea nei, te ai he huhuatanga o te karakia e minamina atu ai tatou. Nareira he taunga nui tenei, Huitahi ki te ngakau tatu i Timoti vi. 6. Te mutunga, E Whiwhi koutou ki te okiokinga mo koutou Wairua (Matu xi. 29).

Mo to kupu kia tonoa atu kia mahi mai nga pepa. E hōa, e whakama ana kei whakataukitia mai e Ruangu He horokai tau e Tamareia, turanga i te Poroporo ko Ruanga anake He toa a Ruanga he wawau a Tamareia, Engari he ka i, tere tonu te ringa o Tamareia (ara) kei horo ki te kii kia 10. Turanga i te kohikohi ko Peneti ana na Matu Kapa.

E hōa kua tae mai to kupu kia huaia atu he ingos mo to pepa. Taku me hua pea ki te manu nei kia te kotuku, Whaka-